

Nonne iidem iniquè satis mel pro saccharo, acidum pro falso, fixum pro volatili promiscuè substituere (sed quâ, proh scelus, conscientia!) dum non verentur, culpati imposturæ commissæ, Medico experto atq; fideli dicam scribere, aut famam ejus coram arrodere summo studio anitent. Cæterum, clarum satis est, operationibus non ita paucis Artem absolvi latissimè diffusam, ut Primrosius & Daniel Horstius Instit. Pharmaceut. cap. 2. eligendo sc., præparando, & componendo, voluere, nisi latâ significatione hæc accipias; quæ hominis ætatem, non biennem experientiam requirunt: hinc fit, ut qui sedulo Arti operam dedere, alter alterum labore & industriâ superando, suamque experientiam publicè commonstrando omni spiritu allaboret, arcana sua excogitata incognitis characteribus, abstrusis vocum dialectis & abbreviationibus, modò Ebraico, Arabico; Græco modò, Latino, sive Turcico; modò Wallachico aut Germanico idiomate, vel nescio quibus obscurioribus vocum nebulis atq; insomniis obvelare, ad quorum genuinum sensum enodandum unius alteriusve Bibliothecæ instructissimæ copiosissima atque ingeniosissima Pandectaria volvenda ac revolvenda vix sufficerent. Atq; huic demum difficultati ut succurrerem, argumentum sat amplum cœpi, Lexicon hoc tripartitum ex multivariâ plurimorum Authorum æquè clarissimorum ac probatissimorum lectione congerere, explanando Synonyma Arabica, Syriaca, Græca, Latina, obsoleta; ut & Signa, Characteres, Pondera & Mensuras Medicas, quarum absoluta cognitio Pharmacopœum legitimû fugere minimè, debet. Momi intereà lividum vultum, rabidosq; dentes flocci dum facio, ceu qui semper mihi mimus; duo habeo, quæ Amice Lector monere dudum animus fuit: Vocabula primò Latina non æquè nota in primâ parte, Germanica verò obsoleta in secundâ classe serie alphabeticâ quærenda; Secundò Morborum Synonyma, Metallorum, Mineralium, Ponderum ac Mensurarum Signa, Notas, ac Characteres in tertio ordine suo quoque numero locatas videbis, ne Te legendo error aliquis deterrat. His studiose Lector benè vale, iisq; hilari fronte utere, ac liberali animo fruire; fruire, ut valeas athleticè, vivas pancreaticè, Vale!



Aachi-